



Cyngor Tref Dinbych – Deddf Amgylchedd (Cymru) 2016

Dyma ein datganiad polisi sy'n dangos ein ymroddiad tuag at y ddeddf a'n cyfrifoldebau i gydymffurfio gyda'r ddeddf ar lefel corfforaethol.

Tir ym meddiant y Cyngor Tref

1. Gardd Goffa Dr. Evan Pierce (wedi'i restru)
2. Tir ar safle Amgueddfa Dinbych

Tir sydd gan y Cyngor Tref peth rheolaeth drosto

1. Rhai ymylon gwyrdd lle mae'r cyngor wedi cymeryd cyfrifoldeb dros dorri gwair.

Mae'r cyngor yn ymrwymo i gynnal a gwella yr amgylchedd naturiol ac adeiladol i drigolion ac eraill. Mi fyddwn yn ceisio a chydymffurfio gyda S6 ym mhob mater sy'n unol gyda ymarfer dyletswyddau'r cyngor. Rydym yn ymrwymo i ymarferion amgylcheddol da ym mhob mater ac ar bob darn o dir rydym yn eu perchen neu a rydym a rheolaeth drostynt.

Mi fyddwn hefyd yn cynnig cymorth ac arweiniad i bartneriaid er mwyn codi ymwybyddiaeth am yr angen am gynladwyedd a bioamrywiaeth.

Camau ymarferol

1. Fel cyngor rydym yn barod wedi ymrwymo i leihau ein defnydd o blastig defnydd sengl.
2. Ar ffurflenni cais am grantiau mi fyddwn yn gofyn i'r mudiadau sy'n ceisio am grant gan y cyngor i esbonio sut maen't yn bwriadu lleihau eu defnydd o blastig defnydd sengl.
3. Mi fydd y cyngor yn symud i drefn o gyfathrebu yn electroneg gyda bob cynghorydd onibai bod cynghorydd unigol yn gofyn i gael derbyn copi o waith y cyngor ar bapur.
4. Hysbysir partneriaid fel Dinbych yn Blodeuo a Bodfari Environmental ein bod yn disgwyl iddynt beidio a defnyddio chwynladdwyr a plaladdwyr diangen ar dir y cyngor, ar dir sy'n cael eu reoli gan y cyngor neu ar brosiectau sy'n cael eu ariannu gan y cyngor.

5. Mi fydd y cyngor yn parhau i weithio gyda ysgolion lleol ar faterion amgylcheddol. Mae gan gynghorwyr tref sydd hefyd yn lywodraethwyr ysgol rol bwysig i chwarae wrth iddynt gyfathrebu rhwng y Cyngor Tref a'r cyngor ysgol.
6. Lle mae'r cyngor yn gyfrifol am dorri gwair fe ystyrir yr angen am ymylon blodau gwyllt er mwyn annog peillwyr.
7. Engreiffiau o'r hyn mae'r cyngor yn ei ddisgwyl. Defnyddio compost di-fawn. Plannu planhigion addas i beillwyr. Peidio defnyddio papur lapio na fedr eu ailgylchu. Unrhyw weithgaredd a gefnogir yn ariannol gan y cyngor i gynhyrchu'r swm lleiaf o wastraff a phosibl na fedr eu ailgylchu a hefyd dylid darparu adnoddau ailgylchu ar gyfer y cyhoedd a masnachwyr.

8. Mi fydd y cyngor yn annog busnesau lleol o'r angen i fabwysiadu arferion sy'n gyfeillgar i'r amgylchedd.

Pwyllgor craffu Tachwedd 2019

Cyflwynwyd i'r cyngor llawn Tachwedd 2019

Cytunwyd gan y cyngor llawn